

ներն, մտաւ խաներու վրաններն, թուրի բերանը դրաւ մի խանի վզին, երկու ձեռքով թրի երկու ծայրէն սեղմեց վզին, որպէս զի խրխրոցի ձայն մի չելլայ, նոյնը արաւ երկրորդին, և երրորդին ևս վերջացնելու վերայ էր:

— «Սա մրռնիմ իդա ձեռաց, ասաց Օսկիա:

Ամատէ բերուած աղջիկը Մազի խանի ծոցն էր, արթնացաւ, Յովասափ նորան ևս սպանեց և մուխ գիշերն իջաւ երկու աղջիկներու հետ Ախշապաձորի խորխորաաներու մէջ պահուեցաւ: Հետեւեալ դիշերն անցաւ Երասխ, երկու օրէն վերջ հասաւ Արաղած լեռան կողերուն վերայ զանուող Մաստարայ գիւղն, միջոց մի ծպտեալ մնաց այս տեղն, երկու երիտասարդի հետ ամուսնացուց աղջիկներն, ինքն ևս կնքահայր եղաւ:

Յովասափ դարձաւ Աշակերտ, աղջկանց ճնողաց յայտնեց եղածն և մխիթարեց:

Պարսից բանակն արդէն հեռացած էր, Յովասափ խորհեցաւ որ այլ ևս չէ կարող Պարսկաստան մնալ, երկու ընկերներով գնաց իւր ընտանիքը բերելու: Պայազիտի մօտերն աւազակք յարձակուեցան իւր և երկու ընկերներու վերայ, կողոպտեցին, ինքը մինակ յարձակեցաւ աւազակաց վերայ 7 հոգին ևս կապեց, սպանեց և գնաց իւր ընտանիքը բերաւ, Ամատ գիւղն բնակեցաւ: Մորս որդին զառամեալ վիճակի մէջ աղքատ և կուրացած է:

Իրական պատմութիւնն է այս, հարցուցէք Ամատցիներէն, կը ցանկայի նաև հարցանել Մաստարացիներէն թէ արդեօք կը յիշեն այդպիսի դէպք մի: